

唐
音
統
籤

戊籤四十三胡曾之三

唐音統籤卷

六百四十七

詠史七言絕句二

大澤

白蛇初斷路人通漢祖龍泉血刃紅不是咸陽將
瓦解素靈那哭月明中

滎陽

漢祖東征屈未伸滎陽失律紀生焚當時天下方
龍戰誰爲將軍作詠文

廢丘山

此水雖非禹鑿開廢丘山下重滎迴莫言只解東

流去曾使章邯自殺來

廣武山

補

數罪楚師應奪氣底須多論破深艱倉皇鬪智成
何語遺笑當時廣武山

鴻溝

虎倦龍疲白刃秋兩分天下指鴻溝項王不覺英
雄挫欲向彭門醉玉樓

長安

關東新破項王歸赤幟悠揚日月旗從此漢家無
敵國爭教彭越受誅夷

平城

漢帝西征陷虜塵一朝圍解議和親當時已有吹
毛劍何事無人殺奉春

沛宮

漢高辛辛事干戈帝業興隆俊傑多猶恨四方無
壯士還鄉悲唱大風歌

鴻門

項籍鷹揚六合晨鴻門開宴賀亡秦樽前若取謀
臣計豈作陰陵失路人

郴縣

義帝南遷路入郴國亡身死亂山深不知埋恨窮
泉後幾度西陵片月沉

烏江

爭帝圖王勢已傾八千兵散楚歌聲烏江不是無
船渡恥向東吳再起兵

垓下

拔山力盡霸圖隳倚劍空歌不逝騅明月滿營天
似水那堪迴首別虞姬

博浪沙

嬴政鯨吞六合秋削平天下虜諸侯山東不是無

公子何似張良獨報讐

圯橋

廟筭張良獨有餘少年逃難下邳初遠巡不進泥
中履爭得先生一卷書

漢中

荊棘蒼蒼漢水湄將壇煙草覆餘基適來投石空
江上猶似龍顏納諫時

泚水

韓信經營按鑊鄒臨戎叱咤有誰加猶疑轉戰逢
勅敵更向軍中問左車

雲夢

漢祖聽讒不可防，偽遊韓信果罹殃。
十年辛苦平天下，何事生擒入帝鄉。

高陽

路人高陽感酈生，逢時長揖便論兵。
最憐伏軾東遊日，下盡齊王七十城。

田橫墓

古墓崔嵬約路岐，歌傳薤露到今時。
也知不去朝黃屋，祇爲曾烹酈食其。

青門

漢皇提劍滅孤秦
亡國諸侯盡是臣
惟有東陵守高節
青門甘作種瓜人

四皓廟

四皓忘機飲碧松
石巖雲電隱高蹤
不知俱出龍樓後
多在商山第幾重

長沙

江上南風起白蘋
長沙城郭異咸秦
故鄉猶自嫌卑濕
何況當時賦鵬人

霸陵

原頭日落雪邊雲
猶放韓盧逐兔羣
況是四方無

事日霸陵誰識舊將軍

細柳營

文帝鑿輿勞北征條侯此地整嚴兵轅門不峻將
軍令今日爭知細柳營

番馬

重崗複嶺勢崔嵬一卒當關萬卒迴不是丈夫多
辨說尉陀爭肯築朝臺

谷口

一旦天真逐水流虎爭龍戰爲諸侯子真獨有煙
霞趣谷口耕鋤到白頭

昆明池

欲出昆明萬里師漢皇習戰此穿池如何一面圖
攻取不念生靈氣力疲

迴中

武皇無路及崑丘青鳥西沉隴樹秋欲問生前躬
祀日幾煩龍駕到涇州

河梁

漢家英傑出皇都携手河梁話入胡不是子卿全
大節也應低首拜單于

居延

漢漠平沙際碧天問人云此是居延停驂一顧猶
覓斷蘇武爭禁十九年

李陵臺

北入單于萬里疆五千兵敗滯窮荒英雄不伏鬻
夷死更築高臺望故鄉

黃河

博望沈埋不復旋黃河依舊水茫然汨流欲共牛

郎語只待

一作得

靈槎送上天

望思臺

太子啣冤去不迴臨臯

一作高

徒築望思臺至今漢

武銷寬處猶有悲風木一作木上來

東門

何人知足反田盧玉管東門餞二疏豈是不榮天子祿後賢那使久閑居

漢宮

明妃遠嫁泣西風玉筋雙垂出漢宮何事將軍封萬戶却令紅粉爲和戎

青塚

玉貌元期漢帝招誰知西嫁怨天驕至今青塚愁雲起疑是佳人恨未銷

射熊館

漢帝荒唐不解憂，大誇畋獵廢農收。
子雲徒獻長楊賦，肯念高皇沐雨秋。

昆陽

師克猶來在，協和蕭王兵馬固無多。
誰知大敵昆陽敗，却笑前朝困楚歌。

隴西

乘春來到隴山西，魏氏城荒碧草齊。
好笑王元不量力，函關那受一丸泥。

白帝城

蜀江一帶向東傾江上巍峩白帝城自古山河歸
聖主子陽虛共漢家爭

滹沱河

光武經營業未興王郎兵革整憑陵須知後漢功
臣力不及滹沱一片水

銅柱

一柱高標險塞垣南蠻不敢犯中原功成自合分
茅土何事番銜惹惹冤

七里灘

七里清灘映碧層九天星象感嚴陵釣魚臺上無

絲竹不是高人誰解登

玉門關

西戎不敢過天山定遠功成白馬關
半夜帳中停燭坐唯思生入玉門關

關西

楊震幽魂下北邙關西蹤跡遂荒涼
四知美譽留人世應與乾坤共久長

柯亭

一宿柯亭月滿天笛亡人歿事空傳
中郎在世無甄別爭得名垂爾許年

潁川

古賢高尚不爭名行止由來動杳冥今日浪爲千里客看花慙上德星亭

江夏

黃祖才非長者儔禰衡珠碎此江頭今來鸚鵡洲邊過惟有無情碧水流

葛陂

長房迴到葛陂中人已登真竹化龍莫道神仙難積學嵇生自是不遭逢

銅雀臺

魏武龍興逐逝波高臺空按望陵歌邊雲聲絕悲
風起翻向樽前泣翠娥

西園

月滿西園夜未央金風不動鄴天涼高情公子多
秋興更領詩人入醉鄉

官渡

本初屈指定中華官渡相持勒虎牙若使許攸財
用足山河爭得屬曹家

灞岸

長安城外白雲秋蕭索悲風灞水流因想漢朝離

亂日仲宣從此向荊州

濡須橋

徒向濡須欲受降英雄才畧獨無雙
天心不與金陵便高步何由得渡江

赤壁

烈火西焚魏帝旗周郎開國虎爭時
交兵不假揮長劍已挫英雄百萬師

檀溪

三月襄陽綠草齊王孫相引過檀溪
的盧何處埋龍骨流水依前遶大堤

南陽

世亂英雄百戰餘孔明方此樂耕鋤蜀王不自垂
三顧爭得先生出舊廬

瀘水

五月驅兵入不毛月明瀘水漳煙高誓將雄畧酬
三顧豈憚征蠻七縱勞

五丈原

蜀相西驅十萬來秋風原下久徘徊長星不爲英
雄住半度流光落九垓

金谷園

一自佳人墜玉樓繁華東逐洛河流惟餘金谷園
中樹殘日蟬聲送客愁

峴山

曉日登臨感晉臣古碑零落峴山春松間殘露頓
頻滴酷似當初墮淚人

延平津

延平津路水溶溶峭壁巍岑一萬重昨夜七星潭
底見分明神劍化爲龍

武昌

王濬戈鋌發上流武昌鴻業土崩秋思量鐵鎖真

兒戲誰爲吳王畫此籌

高陽池

古人未遇卽啣盃所貴愁腸得酒開何事山公持
玉節等閒深入醉鄉來

華亭

陸機西沒洛陽城吳國春風草又青惆悵月中千
歲鶴夜來猶未爲一作唳華亭

豫州

策馬行行到豫州祖生寂寞水空流當時更有三
年壽石勒尋爲關下囚

牛渚

溫嶠南歸輟棹晨然犀牛渚照通津誰知萬丈洪流下更有朱衣躍馬人

東山

五馬南浮一化龍謝安入相此山空不知携妓重來日幾樹鶯啼谷口風

武陵溪

一溪春水徹雲根流水桃花片片新若道長生是虛語洞中爭得有秦人

彭澤

歷代詩經集
英俊那甘屈下僚便栽門柳事蕭條鳳凰不共雞
爭食莫怪先生懶折腰

洛陽

石勒童年有戰機洛陽長嘯倚門時晉朝不是王
夷甫大智何由得預知

東晉

石頭城下浪崔嵬風起聲疑出地雷何事符堅太
相小欲投鞭策過江來

八公山

苻堅舉國出西秦東晉危如累卵晨誰料此山諸

草木盡能排難化爲人

金陵

侯景長驅十萬人可憐梁武坐蒙塵生前不得空
王力徒向金田自捨身

沙苑

馮翊南邊宿霧開行人一步一徘徊誰知此地彫
殘柳盡是高歡敗後栽

石城

古郢雲開白雪樓漢江還遶石城流何人知道寥
天月曾向朱門送莫愁

陳宮

陳國機權未有涯如何後主自驕奢不知卽入宮
前井猶自聽吹玉樹花

汴水

千里長河一旦闕亡隋波浪九天來錦帆未落干
戈起惆悵龍舟更不迴

戊籤四十四

唐音統籤卷

六百四十八

張喬池州人有詩名咸通中與許棠鄭谷張蠙諸人同號十哲巢寇之亂罷舉隱九華詩二卷

宋志一卷

今編三卷

鄭谷云咸通舉子乘馬喬獨乘驢喬詩苦道真鄭少師薰密延之門下亦受知

於薛尚書能李建州頻爲京兆參軍主解試月中往詩喬擅場詩許棠又在揚屋頻憐之首薦棠是年喬竟下第品彙爵里考載喬大順中進士第陳氏書錄云登科記無名蓋不中第也

七言古詩

楊花落

北斗南回春物老紅英落盡綠尚早韶風澹蕩無所依偏惜垂楊作春好此時可憐楊柳花繁盈艷

曳滿人家人家女兒出羅幕淨掃玉除看花落寶
環纖手捧更飛翠羽輕裾承不著歷歷瑤琴舞袖
陳飛紅拂黛憐玉人東園桃李芳已歇猶有楊花
嬌暮春

五言律詩一

塞下曲

一作劉
駕詩誤

勒兵遼水邊風急捲旌旃絕塞寒無樹平沙勢蓋
天下營看斗建傳號信狼煙聖代垂青史當書破

虜年

後四句一作雪晴回探騎月落控
為弦水定山河誓南歸改漢年

曲江春

尋春與送春多遶曲江濱一片鳧鷖水千秋輦轂
塵岸涼隨衆木波影送遊人自是遊人老年年管
吹新

秘省伴直

喬枝聚暝禽疊閣鏤遙岑待月當秋直看書廢夜
吟殘薪留火細古井下瓶深縱欲抄前史貧難遂
此心

延福里秋懷

終年九陌行要路跡皆生苦學猶難至甘貧豈有
成病携秋卷重閉著暑衣輕一別林泉久中宵御

水聲

秋夕

春恨復秋悲，秋悲難到時。
每逢明月夜，長起故山思。
巷僻行吟遠，蛩多獨臥遲。
溪僧與樵客，動別十年期。

山中冬夜

寒葉風搖盡，空林鳥宿稀。
澗水妨鹿飲，山雪阻僧歸。
夜坐塵心定，長吟語力微。
人間去多事，何處夢柴扉。

藍溪夜坐

藍水警塵夢夜吟開草堂月臨山靄薄松滴露花
香詩外真風遠人間靜興長明朝訪禪侶更上翠
微房

宿劉溫書齋

不掩盈牕月天然格調高涼風移蟋蟀落葉在離
騷迴筆挑燈燼懸圖見海濤因論三國志空載幾
英豪

隱巖陪鄭少師夜坐

鄭薰歸老號
所居爲隱巖

幸喜陪騶馭頻來向此宵硯磨清澗石厨爨白雲
樵竹外村烟細燈中禁漏遙衣冠與文理靜語對

前朝

回鑿閣寫望

古閣上空半寥寥千里心多年爲客路盡日倚欄
吟山歷秦川重河來虜塞深回鑿今不見煙霧杳
沉沉

江樓作

憑檻見天涯非秋亦可悲晚天帆去疾春雪燕來
遲山水分鄉縣干戈足別離南人廢耕織早晚罷
王師

登慈恩寺塔

牕戶響層風
清涼碧落中
世人來往別
煙景古今同
列岫橫秦斷
長河極塞空
斜陽越鄉思
天末見歸鴻

遊少華山甘露寺

少華中峯寺
高秋衆景歸
地連秦塞起
河隔晉山微
晚木蟬相應
涼天鴈並飛
慙慙記巖石
祇恐再來稀

遊歙州興唐寺

山橋通絕境
到此憶天台
竹裏尋幽徑
雲邊上古臺
鳥歸殘照出
鐘斷細泉來
爲愛澄溪月
因成隔

宿迴

秦原春望

無窮名利塵軒蓋逐年新北闕東堂路千山萬水
人雲離僧榻曙鷺遠鳳樓春在萬文明代難歸釣
艇身

滕王閣寫望

昔人登覽處遺閣大江隅疊浪有時有閉雲無日
無早涼先鷺去返照後帆孤未得營歸計菱歌滿
舊湖

終南山

帶雪復銜春橫天占半秦勢竒看不定景變寫難
真洞遠皆通岳川多更有神白雲幽絕處自古屬
樵人

華山

誰將倚天劍削出倚天峯衆水背流急他山相向
重樹黏青靄合崖夾白雲濃一夜盆傾雨前湫起
毒龍

遊南岳

入巖仙境清行盡復重行若得閒無事長來寄此
生澗松閒易老籠燭晚生明一宿泉聲裏思鄉夢

不成

尋桃源

武陵春草齊花影隔澄溪路遠無人去山空有鳥啼
水垂青靄斷松偃綠蘿低世上迷途客經茲盡不迷

青鳥泉

祇此沉仙翼瑤池似不遇有聲懸翠壁無勢下丹霄
淨瀨烟霞古寒原草木凋山河幾更變幽咽到唐朝

長安書事

出送鄉人盡滄洲未得還秋風五陵樹暗日六街
山有景終年住無機是處閒何當向雲外免老別
離間

北山書事

黃河一曲山天半鑠重關聖日雄藩靜秋風老將
閒車輿寄谷口市井響雲間大野無飛鳥元戎校
獵還

書邊事

調角斷清秋征人倚戍樓春風對青塚白日落梁
州大漠無兵阻窮邊有客遊蕃情似此水長願向

南流

岳陽卽事

遠色岳陽樓
湘帆數片愁
竹風山上路
沙月水中洲
力學桑田廢
思歸鬢髮秋
功名如不立
豈易狎
打鷗

鄂州卽事

孤城臨遠水
千里見寒山
白雪無人唱
滄洲盡日閒
烏歸殘燒外
帆出斷雲間
此地秋風起
應隨計吏還

商山道中

春去計秋期長安在夢思多逢山好處少值客行
時雲起爭峰勢花交隱澗枝停驂一惆悵應祗嶺
猿知

荆楚道中

前程曾未到岐路擬何爲返照行人急荒郊去鳥
遲春宵多旅夢夏閏遠秋期處處牽愁緒無窮是
柳絲

吳江旅次

行人愁落日去鳥倦遙林曠野鳴流水空山響暮
砧旅途歸計晚鄉樹別年深寂寞逢村酒漁家一

醉吟

將歸江淮書

一作東歸有感

東風搖衆木卽有看花期紫陌頻來日滄洲獨去時
郡因兵役苦家爲海翻移未老多如此那堪鬢未衰

將離江上作

白衣歸樹下青草戀江邊三楚足深隱五陵多少年
寂寥聞蜀魄清絕怨湘絃岐路在何處西行心渺然

江行至沙浦

煙霞接杳冥旅泊寄迴汀夜雨雷電歇春江蛟蜃
腥城侵潮影白嶠截鳥行青徧欲探泉石南須過
洞庭

江行夜雨

江風木落天游子感流年萬里波連蜀三更雨到
船夢殘燈影外愁積葦叢邊不及樵漁客全家住
島田

泂漢東歸

北去窮秦塞南歸遠漢川深山逢古跡遠道見新
年絕壁雲衝寺空江雪洒船檠更還此景多坐夜

烟前

浮汴東歸

日暖泗濱西無窮岸草齊薄煙衰草樹微月迎城
雞水近滄浪急山隨綠野低羞將舊名姓還向舊
遊題

宿昭應

夜憶開元事淒涼里巷間薄烟通魏闕明月照羅
山半壁空宮閉連天白道閉清晨更迴首獨向瀟
陵還

雨中宿僧院

千燈有宿因長老許相親夜永樓臺雨更深江海
人勞生無了日忘念起微塵不是真如理何門靜
此身

宿江叟島居

一家烟島上竹裏夜窓開數派分潮去千檣聚月
來石樓雲斷續澗渚鴈徘徊了得平生志還歸築
釣臺

尋陽村舍

荒林寄遠居坐臥見樵漁夜火隨船遠寒更出郡
踈雪迷登岳路風阻轉江書寂寞高窓下思鄉歲

欲除

江村

貧遊無定蹤鄉信轉難逢
寒渚暮煙濶去帆歸思重
潮平低戍火木落遠山鐘
况是漁家宿踈籬響夜春

題鄭侍御藍田別業

秋山清若水吟客靜於僧
小徑通商嶺高窓見杜陵
雲霞朝入鏡猿鳥夜窺燈
許作前峰侶終來寄上層

題友人林齋

喬木帶涼蟬來吟暑雨天不離高枕上似宿遠山
邊簾冷窓中月茶香竹裏泉
烟作吾廬近溪島憶
別動經年

題湖上友人居

豈得戀樵漁全家湖畔居遠無潮客信閑寄嶽僧
書野白梅繁後山明雨散初逍遙向雲水莫與宦
情踈

題友人草堂

空山卜隱初生計亦無餘三畝水邊竹一牀琴畔
書深林收晚果絕頂拾秋蔬堅話長如此何年獻

子虛

題靈山寺

樹涼清島寺虛關敞禪扉
四面閒雲入中流獨鳥
歸湖平幽徑近船泊夜燈微
一宿秋風裏煙波隔
擣衣

題廣信寺

亭北敞靈溪林梢與檻齊
野雲來影遠沙鳥去行
低晚渡明村火晴山響
郡華思鄉值搖落賴不有
猿啼

題興善寺僧道深院

江峰峰頂人受法老西秦法本無前業禪非爲後
身院栽他國樹堂展祖師真甚願依宗旨求闕未
有因

金山寺空上人院

已老金山頂無心上石橋講移三楚遍梵譯五天
遙板閣禪秋月銅瓶汲夜潮自慙昏醉客來坐亦
通宵

甘露寺僧房

臨水登山路重尋旅思勞竹陰行處密僧臘別來
高遠岫明寒火危樓響夜濤悲秋不成寐明月上

千艘

再題敬亭清越上人山房

重來訪惠休已是十年遊
向水千松老空山一磬
秋石牕清吹入河漢
夜光流久別多新作長吟洗
俗愁

題詮律師院

院涼松雨聲相對有山情
未許谿邊老猶思嶽頂
行紗燈留火細石井灌瓶
清欲問吾師外何人得
此生

題山僧院

谿路曾來日年多與舊同地寒松影裏僧老磬聲
中遠水清風落閒雲別院通心源若無礙何必更
論空

題終南山白鶴觀

上徹鍊丹峰求玄意未窮古壇秋草合往事白雲
空仙境日月外帝鄉煙霧中人間足煩暑欲去戀
松風

題古觀

急景遞衰老此經誰養真松留千載鶴碑隔六朝
人洞水流花早壺天閉雲春其如爲名利歸踏五

陵塵

書梅福殿壁二首

梅真從羽化萬古是須臾此地名空在西山雲亦
孤井痕平野水壇級上春蕪縱有雙飛鶴年多松
已枯

一自白雲去千秋壇月明我來思往事誰更得長
生雅韻磬鐘遠真風樓殿清今來爲尉者天下有
仙名

戊籤四十四張喬之二

唐音統籤卷

六百四十九

五言律詩二

江上逢進士許棠

詩人推上第新榜又無君
鶴髮他鄉老漁歌故國聞
平江留曉月獨鳥伴餘雲
且了髫年志沙鷗未可群

江南逢洛下友人

洛下吟詩侶南遊只爲君
波濤歸路見蟋蟀在船
聞曉月江城出晴霞
島樹分無窮懷古意
豈獨遶湘雲

贈友人

九霄無詔下何事觸清塵
宅帶松蘿僻身惟猿鳥
親吟看仙掌月期有洞庭人
莫問煙霞句懸知見
岳神

贈邊將

將軍誇膽氣功在殺人多
對酒擎鍾飲臨風拔劍
歌翻帥平碎葉掠地取交河
應笑孔門客年年羨
四科

贈仰大師

仰山因久住天下仰山名
井邑身雖到林泉性本

清野雪居處盡江月定中明髣髴曾相識今來偏
幾生

聞仰山禪師往曹溪因贈

曹溪松下路猿鳥重相親四海求玄理千峰遶定
身異花天上墮靈草雪中春自惜經行處焚香禮
舊真

贈敬亭清越上人

海上獨隨緣

一作海畔
真窮邊

歸來二十年久閒時得句

漸老不離禪砌木欹臨水窓峰直倚天猶期向雲
裏別掃石床眠

東湖贈僧子蘭

名利了無時，何人暫訪師。
道情閒外見，心地語來知。
竹落穿牕葉，松寒蔭井枝。
匡山許同社，願卜掛帆期。

贈初上人

竹色覆禪棲，幽禽遶院啼。
空門無去住，行客自東西。
井氣春來歇，庭枝雪後低。
相看念山水，盡日話曹溪。

贈某僧侶

機謀時未有多，向奕碁銷已與山僧敵。
無令海客

饒靜驅雲陣起踈點鴈行遙夜雨如相憶松窓更見招

劉補闕自九華山拜官因以寄獻

冥鴻久不羣微拜動天文地主迎過郡山僧送出雲登車殘月在宿館亂流分若更思林下還須共致君

寄績溪陳明府

古邑猿聲裏空城只半存岸移無舊路沙漲別成村鼓角喧京口江山盡汝濱六朝興廢地行子一銷魂

寄處士梁燭

賢哉君子風風與古人同採藥楚雲裏移家湘水
東星霜秋野濶雨雹夜山空早晚相招隱深耕老
此中

思宜春寄友人

勝遊雖隔年魂夢亦依然瀑水喧秋思孤燈動夜
船斷虹全嶺雨斜月半溪煙舊日吟詩侶何人更
不眠

寄南中友人

相夢如相見相思去後頻舊時行處斷華髮別來

新浪動三湘月煙藏五嶺春又無歸北客書札寄
何人

寄中岳顓頊先生

先生顓頊後得道自何人松栢甲於壽兒孫老却
身夜窅峰頂曙寒澗洞中春戀此逍遙境雲間不
可親

別李參軍

王孫遊不遇况我五湖人野店難投宿漁家獨問
津嶺分中夜月江隔兩鄉春靜想青雲路還應寄
此身

贈別李山人

分合老西秦年年夢白蘋曾爲洞庭客還送洞庭人
語別惜殘夜思歸愁見春遙知泊舟處沙月自相親

江南別友人

勞生故白頭頭白未應休闕下難孤立天涯尚旅
遊聽猿吟島寺待月上江樓醉別醒惆悵雲帆滿
亂流

送鄭侍御赴汴州辟命

官從諫署清暫去佐戎旌朝客多相送吟僧欲伴

行河水天際白嶽雪眼前明即是東風起梁園聽
早鶯

送鄭谷先輩赴汝州辟命

看花興未休已散曲江遊
載筆離秦甸從軍過洛州
嵩雲將雨去汝水背城流
應念依門客蒿萊滿徑秋

送睦州張參軍

重祿輕身日清資近故鄉
因知送君後轉自惜年芳
遠水分林影層峰起鳥行
扁舟此中去溪月有餘光

送河西從事

結束佐戎旂河西住幾年隴頭隨日去積裏寄星
眠水近沙連帳程遙馬入天聖朝思上策重待奏
安邊

送龍門令劉滄

去宰龍門縣應思變化年還將魯儒政又與晉人
傳峭壁開中古長河落半天幾鄉因勸勉耕稼滿
雲烟

送龐百篇之任青陽縣尉

都堂公試日詞翰獨超群品秩台庭與篇章聖主

聞鄉連三楚樹縣對九華雲多少青門客臨岐共
羨君

送沈先輩尉昭應

餘才不廢詩佐邑喜閒司丹陛終須去青山未可
期葉凋溫谷晚雲出古宮邊若草東封疏君王到
有時

送南陵尉李頎

重作東南尉生涯尚似僧客程淮館月鄉思海船
燈晚簾著春穀晴天見朗陵不應三考足先授詔

書徵

送前輩讀三傳赴長城尉

登科精魯史爲尉及良時高論窮諸國長才併幾
司地傾流水疾山疊過雲遲暇日琴書畔何人對
手碁

送友人許棠

離鄉積歲年歸路遠依然夜火山頭市春江樹杪
船于戈愁鬢改瘴癘喜家全何處營甘旨潮濤浸
薄田

送許棠下第遊蜀

天下猿多處西南是蜀關馬登青壁瘦人宿

度一首

翠微閣帶雨逢殘日因江見斷山行歌風月好莫
老錦城間

送許崇及第歸宣州

雅調一生吟誰爲晚達心旁人賀及第獨自却霑
襟宴別喧天樂家歸礙日岑青門許攀送故里接
雲林

送友人及第歸江南

豈易及歸榮辛勤致此名登車思往事廻首勉諸
生路遶山光曉帆通海氣清秋期却閒坐林下聽
江聲

送友人歸袁州

袁江猿鳥清曾向此中行
才子登科去諸侯掃榻
迎山藏明月浦樹遶白雲
城遠想安親後秋風夢
不驚

送韓處士歸少室山

江外歷千岑還歸少室吟
地閒緜嶺月窓迥洛城
砧石竇垂寒一作新乳
松枝長別琴他年瀑泉下亦

擬置家林

送友人歸宣州

失計復離愁君歸我獨遊
亂花藏道發春水遶鄉

流暝火叢橋市晴山疊郡樓無爲謝公戀吟過晚
蟬秋

送友人歸宜春

落花兼柳絮無處不紛紛遠道空歸去流鶯獨自
聞野橋喧磴水山郭入樓雲故里南陵曲秋期更
送君元僧闡至注三體唐詩以南陵爲南陵云喬
之故里喬池人南陵隸宜非也自言宜春故
里歌南陵筇詩
貢士更入京耳

送友人歸江南

辛勤同失意迢遞獨還家落日江邊笛殘春島上
花親安誠可喜道在亦何嗟誰伴高吟處晴天望

九華

送人歸江南

貧歸無定程，水宿與山行。
未有安親計，難爲去國情。
島煙孤寺磬，江月遠船筆。
思苦秋迴日，多應吟更清。

送友人東歸

遠涉期秋卷，將行不廢吟。
故鄉芳草路，來往別離心。
桂席春風盡，開齋夏景深。
子規誰共聽，江月上青岑。

送友人北遊

東歸未遂心北去幾沉吟把酒思鄉遠投人入塞
深晉山擎白道汾水截青林想見連天雪安知一作
長安是積霖

江上送友人南遊

何處積鄉愁天涯聚亂流岸長羣岫晚湖濶片帆
秋買酒過漁舍分燈與釣舟瀟湘見來鴈應念獨
邊遊

送友人遊湖南

所投非舊知亦似有前期路向長江上帆揚細雨
時春生南嶽早日轉大荒遲盡採瀟湘句重來會

近期

送蜀客

劍閣緣空去西南過幾州
丹青行客語明月杜鵑
愁露帶山花落雲隨野
水流相如曾醉地莫滯少
年遊

送友人遊蜀

此心知者稀欲別倍相依
無食擬同去有家還未
歸巴山開國遠劍道入天
微必恐臨邛客疑君學
賦非

送陸處士

罇前放浩歌，便起一作處泛煙波。舟楫故人少，江湖
明月多。孤峰經宿上，僻寺共雲過。若向僊巖住，還
應著薜蘿。

送賓貢金夷吾奉使歸本國

渡海登仙籍，還家備漢儀。孤舟無岸泊，萬里有星
隨。積水浮魂夢，流年半別離。東風未迴日，音信杳
難期。

送朴克侍御歸海軍

天涯離二紀，關下歷三朝。滌海雖靡然，開歸帆不覺
遙。驚波時朱侶，舉火夜相招。來往尋遺事，秦皇有

斷橋

送碁待詔朴球歸新羅

海東誰敵手歸去道應孤關下傳新勢船中覆舊
圖窮荒迥日月積水截寰區故國多年別桑田復
在無

李道士歸南嶽

千峰隔湘水迢遞掛帆歸掃月眠蒼壁和雲著褐
衣洞虛懸溜滴徑狹長松圍只恐相尋日人間舊
識稀

送僧歸蜀寧親

歌詩精外學夫子是知音坐夏宮鐘近寧親劍閣
深高名徹西國舊跡寄東林自此栖禪者因師滿
蜀吟

送僧雅覺歸海東

山川心地內一念卽千重老別關中寺秋歸海外
峰鳥行來有路帆影去無蹤幾夜波濤息先聞本
國鐘

送新羅僧

東來此學禪多病念佛緣把錫離巖寺收經上海

船落

一作

帆敲石火宿島汲瓶泉永向扶桑老知

無再少年

弔前水部賈員外

籠中江海禽，日夕有歸心。
魏闕長謠久，吳山獨往深。
別時羣木落，終處亂猿吟。
李白墳前路，溪僧送入林。

弔建州李員外

文苑誤作曹松
松集自有弔詩

銘旌歸故里，猿鳥亦悽然。
已葬桐江月，空迴建水船。
客傳爲郡日，政作僧說讀書年。
恐有吟魂在，深山古木邊。

弔栖白上人

今古遞相送幾時無逝波篇章各不朽寂滅理如
何內殿流真影閒房落貝多從茲高塔寺惆悵懶
經過

弔造微上人

至人隨化往遺路自堪傷白塔收真骨青山閉影
堂鐘殘含細韻烟滅有餘香松上齋烏在遲遲立
夕陽

題賈島吟詩臺

吟竟不復遊臺亦似荒丘一徑草中出長江天外
流暝烟寒鳥集殘月夜蟲愁願得生禾黍鋤平恨

卽休

經九華山黃徵君故居

草堂蕪沒後來往問樵翁斷石荒林外孤墳晚照
中數溪分大野九子立寒空烟壁曾行處青雲路
不通

經宣城元員外山居

無人襲仙隱石室閉空山避燒猿猶到隨雲鶴不
還澗荒巖影在橋斷樹陰閒但有黃河賦長留在
世間

經隱巖舊居

夜久村落靜徘徊楊柳津青山猶有路明月已無
人夢寐生前事星霜倦此身嘗期結茅處來往躡
遺塵

題玄哲禪師影堂

吾師視化身一念卽遺塵巖谷藏虎塔江湖散學
人雲迷禪處石院掩寫來真寂寞焚香後閒堦細
草生

聽琴

清月轉瑤軫弄中湘水寒能令坐來客不語自相
看靜恐鬼神出急疑風雨殘幾時歸嶺嶠更過洞

庭彈

和崔監察題興善寺古松

種種近王城前朝古寺名瘦根盤地遠香吹入雲
清鶴動池臺影僧禪雨雪聲看來人旋老因此歎
浮生

題小松

一作移
小松

松子落何年纖枝長水邊
斲開深澗雪移出遠林
烟帶月栖幽鳥兼花灌
冷泉微風動清韻閒聽罷
琴眠

蟬

先秋蟬一悲長是客行時曾感去年者又鳴何處
枝細聽殘韻在迴望舊聲遲斷續誰家樹涼風送
別離

戊籤四十四張喬之三

唐音統籤卷

六百
五十

五言排律

華山

青蒼河一隅氣狀杳難圖卓傑三峰出高竒四岳
無力疑擎上界勢獨壓中區衆水東西走羣山遠
近趨天迴諸宿照地聳百靈扶石壁煙霞麗龍潭
雨雹巖澄凝臨甸服險固東神都淺覺川原異深
應日月殊鶴歸青霽合仙去白雲孤瀑溜斜飛凍
松長倒掛枯每來尋洞穴不擬返江湖儻有芝田
種巖間老一夫

試月中桂

與月轉洪濛扶踈萬古同根非生下土葉不墮秋
風每以圓時足還隨缺處空影高羣木外香滿一
輪中未種丹霄日應虛玉兔宮何當因羽化細得
問玄功

興善寺貝多樹

還應毫末長始見拂丹霄得子從西國成陰見昔
朝勢隨雙刹直寒出四墻遙帶月啼春鳥連空噪
暝蜩遠根穿古井高頂起涼颼影動懸燈夜聲繁
過雨朝靜遲松桂老堅任雪霜凋永共終南在應

隨劫火燒

哭陳陶

先生抱衰疾不起茂陵間
夕臨諸孤少荒居予客
還遺文禪東岳留語葬鄉山
多雨銘旌故殘燈素
帳閒樂章誰與集壠樹
卽堪攀神理今難問予將
叫帝關

七言律詩

書邊事

萬里沙西寇已平
犬羊羣外築空城
分營夜火燒雲遠
校獵秋鵬掠草輕
秦將力隨胡馬竭
蕃河流

入漢家清羌戎不識干戈老須賀今時聖主明

歸舊山

昔年山下結茅茨村落重來野徑移樵客相逢悲
往事林僧閑坐問歸期異藤遍樹無處幽草緣
溪少歇時此景一拋吟欲老可能文字聖朝知

望巫山

溪疊雲深轉谷遲暝投孤店草蟲悲愁連遠水波
濤夜夢斷空山雨雹時邊海故園荒後賈入關玄
髮夜來衰東歸未必勝羈旅况是東歸未有期

謝公亭懷古

謝家煙徑長莓苔
牢落虛欄竹上開
流水不將山色去
閒雲時帶角聲來
六朝舊跡遺詩在
三楚空江有鴈迴
達理始應惆悵盡
因僧清話憶天台

一本

題作宣州開元寺閣與此大同小異附錄譚家烟徑長莓苔全碧虛欄竹上開流水遠分山色斷清猿時帶角聲來六朝明月惟詩在三楚空山有鴈迴達理始應盡惆悵僧閣應得話天台

題河中鶴雀樓

高樓懷古動悲歌
鶴雀今無野雀過
樹隔五陵秋色早
水連三晉夕陽多
漁人遺火成寒燒
牧笛吹風起夜波
十載重來值搖落
天涯歸計欲如何

七松亭

七松亭上望秦川，高鳥閒雲滿目前。已比子真棲
谷口，豈同陶令臥江邊。崖把卷驚迴燒掃石，留
僧聽遠杳明月影中宮。漏近佩聲應宿使，朝天
亭鄭少師薰隱巖別墅中亭也薰歸老築隱巖蔣
松七本號七松處士自謂異代可與五柳先生作
對詩中用子真陶令以此
詳見新唐史及南部新書

贈進士顧雲

一作劉雲

潮檻煙波別釣津，西京同似荻洲貧。不知守道歸
何日，相對無言盡幾春。晴景遠山花外暮雲，一作雲高
蓋水邊蘋與君愁寂無消處。賒酒青門送楚人。

贈友人

自說安貧歸未得竹邊門掩小池冰與琴賒酒吟
過寺送客思鄉上灞陵待月夜留煙鳥客憶雲閒
訪翠微僧幾時獻了相如賦去向嵩山採茯苓

贈頭陀僧

自說年深別石橋遍遊靈跡熟南朝已知世路皆
虛幻不覺空門是寂寥滄海附船浮浪久碧山尋
塔上雲遙如今竹院藏衰老一點寒燈弟子燒

城東寓居寄知己

花木閉門苔蘚生澗川特去得吟情病來久絕洞
庭信年長却思盧岳耕落日獨歸林下宿暮雲多

遶水邊行千時退出長如此頻愧相憂道姓名

送何道士歸山

身非絕粒本清羸束掛仙經杖一枝落葉獨尋流
水去深山長與白雲期樹臨丹竈寒花疾壇近青
嵐夜月遲樵客若能過洞裏迴歸人世始應悲

五言絕句

對月二首

盈缺青冥外東風萬古吹何人種丹桂不長出輪
枝

圓魄上寒空皆言四海同安知千里外不有兩兼

風

前首廢話此
首又直話也

送人及第歸海東

東風日邊起草木一時春
自笑中華路年年送遠人

漁家

擁棹思悠悠更深泛積流
唯將一星火何處宿蘆洲

七言絕句

長門怨

一作劉
駕詩誤

御泉長繞鳳凰樓
自是恩波別處流
閒撲舞衣歸

未得夜來砧杵六宮秋

自請

每到花時恨道窮
一生光景半成空
只應抱璞非良玉
豈得年年不至公

不然人而自
志厚之至也

春日有懷

高下尋花春景遲
分陽臺樹白雲詩
看山懷古翻惆悵
未勝遙傳不到時

春日遊曲江

日煖鶯鶯拍浪春
蒹葭浦際聚青蘋
若論來往鄉心切
須是烟波島上人

九華樓晴望

一夜江潭風雨後九華晴望倚天秋
重來此地知何日欲別殷勤更上樓

臺城

宮殿餘基長草花景陽宮樹噪村鴉
雲屯雉堞依然在空中繞漁樵四五家

潭上作

竹島殘陽映翠微雪翎禽過碧潭
飛人間未有關身事每到漁家不欲歸

谷口作

巴客青冥過嶺塵雪崖交映一川春
晴朝采藥尋源去必恐雲深見異人

宿洛都門

山川馬上度邊禽一宿都門永夜吟
客路不歸秋又晚南風吹動洛陽砧

宿潺湲亭

走月流烟疊樹西聽來愁甚聽猿啼
幾時御水聲邊住却夢潺湲宿此溪

宿齊山僧舍

一宿經牕臥白波萬重歸夢隔煙蘿
若言不得南

宗要長在禪床事更多

題上元許棠所任王昌齡廳

瑠璃堂裡當時客久絕吟聲繼後塵百四十年庭
樹老如今重得見詩人

遊邊感懷二首

貧遊繚繞困邊沙卻被遼陽戰士嗟不是無家歸
不得有家歸去似無家

兄弟江南身塞北雁飛猶自半年餘夜來因得思
鄉夢重讀前秋轉海書

宴邊將

一曲涼州金石清邊風蕭颯動江城坐中有老沙
場客橫笛休吹塞上聲

贈河南詩友

山東令族玉無塵裁剪烟花筆下春不把瑤華借
風月洛陽才子更何人

寄維揚故人

離別河邊綰柳條千山萬水玉人遙月明記得相
尋處城鎖東風十五橋

寄弟

故里行人戰後踈青崖萍寄白雲居那堪又是傷

春日把得長安落第書

寄薦福寺栖白大師

高塔六街無不見塔邊各出祇吾師嘗聞朝客多
相記得 數句詩

寄清越上人

真性一作大道本來無所染白雲那得有心期遠公猶
刻蓮花漏獨向空山禮六時

寄山僧

閒倚蒲團向日眠不能歸老岳雲邊舊時僧侶無
人在惟有長松見少年

越中贈別

東越相逢幾醉眠，滿樓明月鏡湖邊。
別離吟斷西陵渡，楊柳秋風兩岫蟬。

河湟舊卒

少年隨將討河湟，頭白時清返故鄉。
十萬漢軍零落盡，獨吹邊曲向殘陽。

漁者

首戴圓荷髮不梳，葉舟爲宅水爲居。
沙頭聚看人如市，釣得澄江一丈魚。

孤雲